

1. Kei te penapena moni a Mākere hei hoko i tētahi paihikara. Ia wiki ka tāpiria te \$20 ki tana pūtea penapena. E hiahia ana a Mākere kia mōhio i te rahi o āna moni penapena i te paunga o ia wiki.
2. E tunu parāoa ana a Taika mō tētahi huihuinga i tōna marae. E whā kapu puehu parāoa mō ia parāoa. E hiahia ana a Taika kia mōhio i te rahi o te puehu parāoa hei tunu i tēnā rahi, i tēnā rahi o te parāoa.
3. E whakarite ana a Teone i ngā kai hei whakauru māna ki te hāngi. Ko tāna, kia kotahi te pīkaokao mā ia tokoono tāngata. E hiahia ana a Teone kia mōhio i te maha o ngā pīkaokao hei whāngai i tēnā rahi, i tēnā rahi o te manuhiri.
4. E whā meneti ka oti i a Māia te manomita kotahi te omaoma. E hiahia ana ia kia mōhio i te roa o te wā e oti ai tēnā tawhiti, tēnā tawhiti te omaoma.
5. E whakarite ana a Horomona i ngā tēpu me ngā tūru i te wharekai mō tētahi hākari nui. E waru ngā tūru ki ia tēpu. E hiahia ana a Horomona kia mōhio i te maha o ngā tūru hei whakarite mō tēnā maha, mō tēnā maha o ngā tēpu.
6. E \$2.50 te utu mō ia manokaramu (kg) āporo. E hiahia ana a Hera kia mōhio i te utu mō tēnā taumaha āporo, mō tēnā taumaha āporo.

